





分類補註李太白詩卷之十一

明貴州學司馬王守仁

贈

贈王判官別後歸隱

青鵝樓曉眺滄海秋俱隱客不來各飲酒

中坐不相見酒路遊吳越何處我思君天

外寄已寄書夜食得州馬君華海樓揚州


出南齊吳興之地生由在吳天長里月

次自江不望此夜自吳興月時自吳興

會稽風月好却

分類補註李太白詩卷之十一

明長洲許自昌玄祐甫



贈

贈王判官時余歸隱居廬山屏風疊

尋陽

昔別黃鶴樓蹉跎淮海秋俱飄零落葉各散洞庭流
中年不相見躋蹬遊吳越何處我思君天台綠蘿月

齊賢曰黃鶴樓在鄂州禹貢淮海惟揚州謝靈運詩
片歲月如流零落將盡洞庭見前海賦躋蹬窮波今
兩浙皆吳越之地北山移文春蘿望月王贊曰曹植
詩白日忽蹉跎南史范曄傳云時賢零落阮籍詩秋
風吹飛藿零落從此始楚辭惟草
木之零落兮江淹詩結髮不相見
會稽風月好却遶



剡溪迴雲山海上出人物鏡中來一度浙江北十年

醉楚臺荆門倒屈宋梁苑傾鄒枚苦笑我誇誕知音

安在哉

齊賢曰九域志越州會稽郡剡溪在州東南王羲之曰行山陰道上如鏡中遊江陵有章

華臺陽雲臺皆楚王所建荆州記郡西南岸有山名荆門在今荆門軍渚宮故事曰庾信因亂歸江陵居宋玉故宅其賦云誅茅宋玉之宅梁苑鄒枚事見前陶潛詩知音苟不存阮籍詩梁王安在哉王贊曰南史周捨傳今久止可談風月禮記樂記唯君子唯能知樂是故審聲以知音

大盜割鴻溝

如風掃秋葉吾非濟代人且隱屏風疊中夜天中望

憶君思見君明朝拂衣去永與海鷗群

齊賢曰史記項上與漢約

中分天下割鴻溝以西為漢文穎曰於滎陽下引河

得風乃落屏風疊在廬山王贊曰後漢光武在廬山
正中微大盜移國魏辛昆傳迅風之振秋葉晉庾闡
檄石虎文曰猶烈火之焚秋蓬衝飈之掃落葉也南
史王僧虔傳我立身有素豈能曲意此輩彼若見惡
當拂衣去耳海鷗
事並見二卷注

在水軍宴贈幕府諸侍御

永王軍中

月化五白龍翻飛凌九天胡沙驚北海電掃洛陽川

虜箭雨宮闕皇輿成播遷

齊賢曰天寶十四載十一月甲子祿山以十五萬衆

反范陽十二月丁酉陷洛陽十五載六月己亥陷京師玄宗幸蜀王贊曰劉琨詩有鳥飜飛不遑休息後漢書臧宮等贊曰電掃群孽風行巴梁晉書紀史臣論曰三關電掃劉禪入臣袁紹檄曰操持節從七百圍繞宮闕晉書桓玄殷仲文論曰禍延宮闕楚辭恐皇輿之敗績晉武帝紀曰曾未數年紀綱大亂海內

版蕩宗廟播遷盧諶詩王室喪師私門
播遷列子曰仙聖之播遷者巨億計
英王受廟畧

秉鉞清南邊雲旗卷海雲金戟羅江煙聚散百萬人

弛張在一賢

齊賢曰盧子諒詩弛張使我歎士贊曰英王指永王璘也事始未見八卷永王

東巡歌注晉桓冲曰謝安有廟堂之量而不閑將畧鉞大斧也雲旗金戟並永王建節之儀也按禮記王制賜諸侯斧鉞然後誅上林賦拖霓旌靡雲旗張平子東都賦龍輅充庭雲旗拂霓戟門戟也按唐開元禮郡王嗣王帶職事三品及上州都督府以上十四戟幡帶每副二十四條以五色物充禮記孔子曰一

張一弛文武之道也鄭玄曰張弛以弓弩喻人也又孔子家語一弛一張後漢書曰王常初起兵號下江

霜臺降群彥水國奉戎旃繡服開宴語天人借樓

黃金臺遙謁紫霞仙

齊賢曰霜臺謂侍衛也水國江漢間也謝玄暉

辭隨王子隆牋曰契闊戎旃從容燕詩
之不酬應劭曰船上建樓曰樓船燕昭王築黃金臺
在易水東南十八里陸士衡詩輕舉乘紫雲王贊曰
後漢周舉傳曰昔晏子曰河伯以水爲城國應戰計
脩時貢職入覲天人老子
衆人熙熙然如登春臺 卷身編蓬下冥機四十年

寧知草間人腰下有龍泉浮雲在一決誓欲清幽燕

齊賢曰尚書大傳子夏居深山之中作壤室編蓬戶
彈琴瑟其中以歌先王之風東方朔曰非有先生積
土爲室編蓬爲月劉裕曰草澤間有英雄幽燕祿山
巢穴王贊曰南史劉裕曰不復能於草間求活吳越
春秋楚王作劍三枚一曰龍泉二曰太阿三曰王市
晉張華傳華令雷煥掘豐城獄基中有雙劍一曰龍
泉一曰太阿煥得劍送一與張華留一自佩及華誅
失劍所在煥卒其子持劍行經延平津忽於腰間躍
出墮水使人入水見兩龍而已莊子曰天子之劍直
之無前舉之無上按之無下運之無旁上決浮雲下

絕地紀此劒一用匡諸侯天願與四座公靜談金匱
下服矣晉祖述傳誓清中原

篇齊心戴朝恩不惜微軀捐所冀旄頭滅功成追魯

連

齊賢曰謝萬曰四座皆猛將太史公自叙遷爲太史令紬石室金匱之書漢志昂爲旄頭胡星也士

贊曰張景陽詩顧謂四座賓陸機詩不惜微軀退又軍沒微軀捐鮑照詩捐軀報明主魯仲連事見二卷

贈武十七諤

并序

門人武諤深於義者也質木沉悍慕要離之風潛
釣川海不數數於世間事聞中原作難西來訪余
余愛子伯禽在魯許將冒胡兵以致之酒酣感激

援筆而贈

馬如一匹練明日過吳門乃是要離客西來欲報恩
笑開燕匕首拂拭竟無言狄犬吠清洛天津成塞垣
愛子隔東魯空悲斷腸猿林回棄白璧千里阻同奔
君爲我致之輕齋涉淮源精誠合天道不愧遠遊魂
齊賢曰韓詩外傳顏回望吳門馬見一匹練孔子曰
馬也要離事見前卷荆軻傳燕太子求天下利匕首
得趙人徐夫人匕首取之百金楚辭猛犬信信而迎
吠兮關梁閉而不通太白有子伯禽以貞元八年不
祿搜神後記臨川東興有人入山得猿子歸猿母自
後至其家此人縛猿子於庭樹其母搏頰向人欲哀
乞此人竟殺之猿母悲喚自擲而死此人破腹視之
腸皆斷裂莊子曰林回棄千金之璧負赤子而趨士
贊曰鄒陽書曰精誠變天地班彪王命論精誠通于
神明江淹恨賦人生到此天道寧論鄧攸傳曰天道

無知使伯道無兒楚辭願輕舉而遠遊趙景真與嵇茂齊書飄飄遠遊之士託身無人之鄉易曰精氣爲物遊魂爲變太白詩意謂遭亂之時不能與伯禽同奔而越在東魯今托武諤以致之輕齎涉淮者囑付之辭也雖未保其必達亦盡吾父子之情而已萬一不幸魂其有知亦可無愧矣此詩由衷之語也

贈問丘宿松

阮籍爲太守乘驢上東平剖竹十日間一朝風化清

偶來拂衣去誰測主人情

齊賢曰簡文輔政阮籍常從容言曰籍平生曾遊東

平樂其風土帝大悅卽拜東平相籍乘驢到郡壞府舍屏鄣使內外相望法令清簡旬日而還帝引爲大將軍從事中郎漢文帝初與郡守爲銅虎符竹使符後漢周章曰剖符大臣千里重任楊惲書曰是日也拂衣而喜士贇曰史孟嘗君傳置傳舍十日孟子一

朝而獲卜禽飽照詩世事一朝異詩大序云上以風

化下漢王褒傳欲宣風化於衆庶謝靈運詩拂衣五湖裏江淹詩拂衣釋塵務夫子理宿松

浮雲知古城掃地物莽然秋來百草生飛鳥還舊巢

遷人返躬耕齊賢曰唐宿松縣隸舒州士贊曰江淹詩誰能測幽微班固賓戲曰仲尼抗浮

雲之志漢書贊秦滅六國而上古遺烈掃地盡矣任彥升策秀才文曰衣冠禮樂掃地無餘鮑照詩春風

掃地起蜀志諸葛亮躬耕南陽何慙宓子賤不減陶淵明吾知千載

後却掩二賢名齊賢曰呂氏春秋宓子賤宰單父彈鳴琴不下堂而治今單州碭郡單父

縣尚有琴臺卽子賤鳴琴之所陶潛爲彭澤令今江州彭澤縣是也士贊曰晉書陳留阮裕有重名爲王

敦主簿敦嘗謂羲之曰汝是吾家佳子弟當不減阮主簿班固典引易奕乎千載揚子流千載之英聲

獄中上崔相渙士贊曰南豐先生叙曰明皇幸蜀永王璘節度東南太白卧廬

山璘迫致之璘軍敗丹陽太白奔亡至宿松坐繫尋陽獄宣無六使崔渙與御史中丞宋若愚驗治以爲罪薄宜宥因若愚軍赴河南遂釋白囚使謀其軍事上書肅宗薦白才可用不報

胡馬渡洛水血流征戰場千門閉秋景萬姓危朝霜

賢相燮元氣再欣海縣康台庭有夔龍列宿粲成行

士贊曰鄒陽上吳王書曰胡馬遂進窺於邯鄲陸機詩胡馬如雲屯尚書血流漂杵戰國策綴甲鬪兵効勝於戰場淮南子曰道始生虛廣虛廣生宇宙宇宙生元氣後郎顗傳助順元氣含養庶類陶潛歸去來辭載欣載奔魏志曹植傳文德昭則可以致時雍夔龍也傳玄詩繁星依青天列宿自成行

羽翼

三元聖發輝兩太陽應念覆盆下雪泣拜天光

齊賢曰漢

書四皓侍太子入宴高祖顧曰羽翼已成難動搖矣

翼以成神威管子法法篇桓公曰寡人之有管仲
飛鴻之有羽翼也高誘呂氏春秋注曰羽翼輔佐也
晉天文志曰為太陽之宗人君之象抱朴子辯問篇
曰是責三光不照覆盆之內也莊子發乎天光

中丞宋公以吳兵三千赴河南軍次尋陽脫余

之囚叅謀幕府因贈之

獨坐清天下專征出海隅

齊賢曰宣秉拜中丞光武特詔御史中丞與司隸尚

書令會同並專席而坐京師曰三獨坐禮記賜鈇鉞然後征王贊曰東漢書范滂為詔使登車攬轡慨然有澄清天下之志詩彤弓法曰凡諸侯賜弓矢然後專征伐陶潛命子詩桓桓長沙伊勲伊德天子疇我專征南國書光天之九江皆渡虎三郡盡還珠
齊賢曰宋

下至于海隅蒼生

九江皆渡虎三郡盡還珠

齊賢曰宋

均遷九江太守郡多虎暴嘗暮設陷穽均曰虎豹在山
鼃鼃在水各有所託今爲民害咎在吏殘而勞勤
張捕非優恤之本也其務退姦貪思進忠良可一去
檻穽其後傳言虎相與東遊渡江孟嘗遷合浦太守
郡不產穀實而海出珠珠與交趾比境嘗通商販貨
糴糧食先時守宰多貪穢詭人貪求珠遂漸徙交趾
郡界於是行旅不至人物無資嘗到
官革易前敝曾未歲餘去珠復還

組練明秋浦樓

船入郢都風高初選將月滿欲平胡殺氣橫千里軍

聲動九區

齊賢曰左傳楚子重伐吳使鄧廖率組甲三百被練三千杜預注漆甲成組文被練

袍唐秋浦隸池州士贊曰記月令孟秋之月天子乃命將帥選士勵兵簡練俊傑專任有功以征不義晉禿髮烏孤載記論曰候月滿而窺兵按史記匈奴傳其俗舉事而候星日月壯盛則攻戰月戲則退兵此言月滿欲平胡因其動而應之兵應者勝有可平之理也禮記月令仲秋之月殺氣浸盛漢書匈奴傳匈奴

奴處北地寒殺氣早降漢書李廣傳上曰將軍之
之爪牙怒形則千里悚威振則萬物伏後漢賈復傳
光武曰賈督有折衝千里之威顏延年赭白馬
賦暨明命之初基營九區而寧順九區九服也
白猿

慙劒術黃石借兵符戎虜行當剪鯨鯢立可誅自憐

非劇孟何以佐良圖齊賢曰越女子遇曰猿試劒術
事見前卷注兵書有黃石公三

畧卽張良所遇下邳老人也崔豹古今注雌曰鯢雄

曰鯨左氏取鯨鯢而封之以爲大戮劇孟見上注土

贊曰劒術字出史荆軻傳魯勾踐已聞荆軻之刺秦

王私曰嗟乎惜哉其不講於刺劒之術也兵符出史

魏公子無忌傳請如姬盜晉鄙兵符漢書文帝紀初

與郡國爲銅虎符注應邵曰銅虎第一至第五國家

當發兵遣使者至郡合符符合乃聽受嚴助傳武帝

曰吾新卽位不欲出虎符發兵郡國左傳敢不哀圖

左思詩夢

想騁良圖

李詩補注

卷十一

七

流夜郎贈辛判官

昔在長安醉花柳五侯七貴同杯酒氣岸遙凌豪士

前風流肯落他人後

齊賢曰長安唐京兆府長安縣漢河平二年六月成帝封諸舅

王譙平阿侯商成都侯立紅陽侯根曲陽侯逢高平侯五人同日封故世謂之五侯西征賦窺七貴於漢庭注謂呂霍上官趙丁傳王也司馬遷報任安書僕與李陵未嘗銜杯酒接慙慙之歡呂氏春秋老聃孔子墨翟關尹子列子陳駢楊朱孫臏王廖倪良此十人者皆天下之豪士士贊曰南史張充與王儉書曰實由氣岸踈凝情塗狷隔晉樂廣傳天下言風流者謂王樂為稱首焉

夫子紅顏我少

年童臺走馬着金鞭文章獻納麒麟殿歌舞淹留玳

瑁筵與君自謂長如此寧知草動風塵起

齊賢曰謝朓詩獻納

雲臺表草草盡見前注王寶曰熊黑詩紅顏難長
易哉漢書駐弘少時好閭雞走馬曹植詩名都多嫵
女京洛出少年閭雞東郊道走馬長揪間班固西都
賦序崇禮官考文章故言語侍從之臣朝夕論思日
月獻納三輔黃圖曰未央宮有麒麟殿詩式歌且舞
劉安招隱賦曰攀援桂枝兮聊淹留後漢書賈馥拔
起風塵之中函谷忽驚胡馬來秦宮桃李向明開我愁遠

謫夜郎去何日金雞放赦回

齊賢曰桃李指公卿歸祿山也正觀十六年置

夜郎麗皋樂源三縣後為夜郎郡士贇曰子見以稅
李向明開為公卿歸祿山非也太白詩意是指同時
儕類如辛判官之輩因兵興之際不次被用為人桃
李我獨遭謫也向明者向陽花木之義詳觀末句詩
意顯然倘如子見所言殊失大體金雞放赦事見前

贈劉都使

東平劉公幹南國秀餘芳一鳴郎朱紱五十佩銀章

飲水事戎幕衣錦華水鄉

齊賢曰魏文帝典論東平劉楨字公幹曹植詩南國

多佳人易朱紱方來毛詩三百赤芻朱芾斯皇漢儀
銀印皆龜組其文曰章莊子執受命而夕飲水項羽
曰富貴不歸故鄉如衣錦夜行朱買臣傳上拜買臣
會稽太守謂曰富貴不歸故鄉如衣綉夜行今子何
如士贇曰陶潛閑情賦承華首之餘芳史淳子髡曰
此鳥不鳴則已一鳴驚人禮記五十而爵又五十命
為大夫又五十艾服官政晉王渾等傳銅官幾萬人
論孫氏奄有水鄉陸機詩余固水鄉士

諍訟清玉堂吐言貴珠玉落筆迴風霜而我謝明主

銜哀投夜郎

齊賢曰唐志宣州南陵縣武德四年隸池州川廢來屬後析置義安縣又廢為

銅官治華陽國志文翁為蜀郡守造講堂作石室一
石室土贇曰謝靈運詩虛館絕諍訟荀子非相篇

日贈人以言重於珠玉歸家酒債多門客聚成行高
鮑照詩投軀報明主

談滿四座一日傾千觴所求竟無緒裘馬欲摧藏主

人若不顧明發釣滄浪

齊賢曰琴操三昭君歌曰離
合絕矚身摧噫光武指歌奔

日是我北道主人毛詩明發不寐屈原漁父曰滄浪
之水清兮可以濯我纓王質曰史平原君傳士不外
索取於食客門下足矣宋樂志羅列自成行魏文帝
著太宗論曰使曩時累息之民得閑步高談無危懼
之心司馬彪九州春秋曰孔融高談教令盈溢宮曹
辭氣溫雅可玩而誦陸機詩高談一何綺又四坐咸
同志晉孝武紀論曰肆一醉於崇朝飛千觴於長夜
論語子曰赤之適齊也乘肥馬衣輕裘又子路曰願
車馬衣輕裘與朋友共敝之而無憾
劉琨詩云慷慨窮寐中毛膝獨摧藏

贈常侍御

安石在東山無心濟天下一起振橫流功成復蕭灑

齊賢曰謝安石事見前卷注孟子洪水橫流北山移文蕭灑出塵之想王贊曰晉列女傳論橫流在辰南

史樂志且暮有一流波

大賢有卷舒季葉輕風雅匡復屬何人

君為知音者

齊賢曰何敬祖詩懸象迭卷舒論語甯武子邦有道則仕邦無道則可卷而懷

之毛詩至于王道衰禮義廢政教失國異政家殊俗而變風變雅作矣王贊曰淮南子曰至道無為一龍一蛇盈縮卷舒與時變化毛萇詩註葉世也季葉季世也詩云彼何人斯魏志十五年下令曰今天下未定此特求賢之急時也今天下得無未遇知音者乎陶潛詩舉世無知音上有一劉龔

傳聞武

安將氣振長平瓦燕趙期洗清周秦保宗社

齊賢曰史記秦

伐韓軍武安西鼓譟勒兵武安屋瓦盡振王贊曰書曰社稷宗廟周不氏韓周豐春官小宗伯職掌遷國

剛策曰所以安宗廟重社稷也登朝若有言為訪南

遷賈

齊賢曰漢書賈誼為博士天子議以任公卿之位絳灌東陽侯馮敬之屬盡害之天子不用其

議以為長沙王太傅王贊曰賈誼傳賈誼弱冠登朝李尋傳災異對曰初出君登朝史田叔傳曰使人謝田少卿曰吾非敢有語言也又扁鵲傳問必有言也語周任有言曰南遷賈者時太白謫於夜郎自止於賈誼也意謂劉苦登朝而有言不妨及之或者天幸如賈生之宜室召問也

贈易秀才

少年解長劍投贈即分離何不斷羣象精光暗往時

齊賢曰韓非子曰解其長劍王子淵頌曰水斷蛟龍陸剗犀兕廣異記近世有士人耕地得劍有胡求買遂酬百萬剗明日持直取劍會夜佳月士人與妻持劍共視笑云此亦何堪貴價庭中有憐帛石因以劍

指之石遂中斷及明胡戴錢至取劍視之唾曰此
已盡不復買苦問之胡曰此是破山劍惟可一用吾
欲持之以破寶山今光鉞頓盡疑有所觸夫妻嘆恨
說其事士贊曰莊子去其危冠解其長劍史扁鵲傳
曰臣未嘗得望精光蹉跎君自惜鼠逐我因誰地遠虞翻老秋
深宋王悲空摧芳桂色不屈古松姿感激平生意勞

歌寄此辭

齊賢曰楚辭驥垂兩耳中坂蹉跎吳虞翻以罪遷交州時帝遣周賀乘海之遼東從

公孫淵求馬翻欲諫不敢作表以示刺史呂岱岱不報後賀等還至成山爲魏田豫所擊帝聞始思翻言召翻會翻卒宋玉九辯曰悲哉秋之爲氣也韓詩曰朋友之道缺勞者歌其事有史陶潛詩論曰乘道登輝不屈其志諸葛亮出師表曰由是感激遂許先帝以驅馳陸機詩慷慨惟平生士贊曰世說周處嘆曰欲自脩改而年已蹉跎終無

所成元晉詩曰日忽蹉跎

經亂離後天恩流夜即憶舊遊書懷贈江王

太守良宰

江夏岳陽

天上白玉京十二樓五城僊人撫我頂結髮受長生

誤逐世間樂頗窮理亂情

齊賢曰五星經云太上白

黃帝時為五城十二樓以候神人於執期應劭曰崑

崙玄圃五城十二樓仙人所常居李廣結髮與匈奴

戰王贊曰史王父偃傳結髮游學漢書霍光結髮內

侍老子曰長生久視之道抱朴子丹砂服之令人飛

行長生史李斯傳人生居

世間譬猶騁六驥過決隙

九十六聖君浮雲掛空名

天地賭一擲未能忘戰爭試涉霸王略將期軒冕榮

時命乃大謬棄之海上行

齊賢曰自秦始皇至唐元

李詩補注

卷二十一

七

六三國志陳登曰雉安傑出有霸王之略吾敬劉玄
德莊子曰今之所謂得志者軒冕之謂也左傳服冕
采軒司馬遷書曰事乃有大謬不然者士贇曰語不
義而富且貴於我如浮雲班固典引仲尼抗浮雲之
志史黠布傳提空名以鄉楚南史宋書張瓌以百口
擲山手得盧孟子曰爭地以戰爭城以戰班固答
賓戲曰士雄遮闕分裂諸夏龍戰虎爭管子曰先王
制軒冕以別貴賤陶潛感士不遇賦既軒冕之非榮
豈緼袍之為耻莊子古之所謂隱士者非伏其身而
弗見也非閉其言而不出也非藏其知而不廢也時
命大謬也當時命而大行乎天下則反一無迹不當
時命而大窮乎天下則深根寧極而待此存身之道
也江淹別賦學劍翻自哂為文竟何成劍非萬人敵
遷客海上

文竊四海聲

齊賢曰史記項籍少時學書不成去學
劍又不成項梁怒籍曰書足記姓名而

劍一人敵不足學學萬人敵梁乃教籍兵法士贇
曰劍一人敵不足學學萬人敵梁乃教籍兵法士贇
謂堯幾曰人之為文當患才少而子

多兒戲不足道五噫出西京臨當欲去時慷慨淚

沾纓

齊賢曰史世家霸上棘門如兒戲耳梁鴻過京師作五噫之歌曰陟彼北邙兮噫顧覽帝京兮

噫宮室崔嵬兮噫人之無良兮噫遼遼未央兮噫肅宗聞而非之後漢賈彪志節慷慨士贊曰潘兵詩欲去復不忍史貨殖傳文夫相聚游戲悲歌慷慨嘆君個儻才標舉冠群英開

經引祖帳慰此遠徂征鞍馬若浮雲送余驃騎亭歌

鍾不盡意白日落昆明

齊賢曰史記魯仲連好奇靠叔儻之畫策驃騎亭謝安建

易言不盡意漢武欲征昆明夷為有填河乃鑿昆明池始製樓船以習水戰因名士贊曰漢朱雲傳好個儻大節孫綽傳贊曰彬彬藻思卓冠群英鮑照詩祖帳揚春風書有苗弗率汝徂征漢志天馬歌籥浮雲左傳歌十月到幽州戈鋌若羅星君王棄北海掃地

鍾二詩

李詩南生

卷十一

七

借長鯨呼吸走百川燕然可摧傾心知不得語却欲

棲蓬瀛

齊賢曰唐幽州范陽郡東都賦戈鋌雲注

盧節度使兼柳城太守其後又代裴寬為范陽節度使既兼三鎮意益驕侈人皆知其必叛而明皇不知太白此時徒欲奉身隱於東海以避其禍而志猶不能已王贊曰楊雄羽獵賦煥若天星之羅晉桓玄傳論曰乃至干戈掃地災沴滔天郭璞江賦呼吸萬里吐納靈潮木華海賦虛吸百川洗滌淮漢又魚則彎橫海之鯨吹澇則百川倒流選古詩脉脉不得語

孤懼天狼挾矢不敢張攬涕黃金臺呼天哭昭王無

人貴駿骨綠耳空騰驤樂毅儻再生于今亦奔亡

齊賢

日楚辭挾長矢兮射天狼圖經黃金臺易水東南十

一我園策耶

隗對燕昭王曰古之君人有以千金求千里馬者已死買其
年不能得涓人請求之三月得千里馬馬已死買其
骨五百金反以報君君大怒曰安事死馬而捐五百
金涓人對曰死馬且買之况生馬乎天下必以可能
市馬馬今至矣於是不期年千里之馬至者三今王
誠欲致士先從隗始於是昭王爲隗築宮而師事之
樂毅自魏往鄒衍自齊往劇辛自趙往士爭湊燕遂
以樂毅爲上將軍伐齊入臨淄燒其宮室宗廟列子
周穆王駕八駿之馬而左綠耳王贊曰鮑照詩彎弧
不解張又含歌攬涕恒抱愁史屈原傳人窮則反本
未嘗不呼天也楚詞國無人兮莫我知兮張衡西京
賦乃奮而騰驤史燕世家燕昭王於破齊之後卽位
卑身厚幣以招賢者樂毅自魏往士爭趨燕於是遂
以樂毅爲上將軍以伐齊齊兵敗湣王出亡於外燕
兵入至臨淄盡取齊寶貨燒其宮室宗廟齊城之不
下者唯聊莒卽墨其餘皆屬燕昭王卒子惠王立惠
王爲太子時與樂毅有隙及卽位疑毅使騎蹉跎不
劫代將樂毅亡走趙論語云民到于今稱之蹉跎不

得意驅馬還貴鄉逢君聽絃歌肅穆坐華堂百里獨

太古陶然卧羲皇

齊賢曰論語子之武城聞絃歌之聲陶潛云高卧北牕之下自謂羲

皇上人王贊曰張衡東都賦肅肅之儀盡穆穆之禮
彈嵇康琴賦華堂曲宴密友近賓後漢書紀曰郎官
出宰百里列子太古之人從心而動不違自然從性而遊不逆萬物徵樂昌樂館開筵

列壺觴賢豪間青娥對燭儼成行醉舞紛綺席清歌

繞飛梁

齊賢曰招魂云士女雜坐亂而不分詩醉言
舞博物志韓娥之齊鬻歌假食既去餘音繞

梁三日不絕王贊曰陶潛歸去來詞引壺觴以自酌
漢酈食其傳賢豪不敢後宋南平王白紵舞曲口佳
人舉袖耀青娥宋書志樂歌曰羅歡娛未終朝秩滿
列自成行謝靈運詩清歌拂梁塵

帝或易且道雍萬人共悵遙相望一別隔千里榮枯

異炎涼

齊賢曰：踰廣傳公卿大夫，古人邑子，詩所謂

建詩榮枯立可須。王贊曰：張景陽詩：朝野多歡娛，阮籍詩：娛樂未終極。老子：飄風不終朝。漢書：平帝紀在位二百石以上，一切滿秩如真。選古詩：兩宮遙相望，程曉女訓曰：春榮秋枯，自然之理。

炎涼幾

度改九土中橫潰，漢甲連胡兵。沙塵暗雲海，草木搖

殺氣，星辰無光彩。白骨成丘山，蒼生竟何罪。

王贊曰：晉符堅

載記論曰：兩京殄覆，九土分崩。又曰：晉室遭孽，胡兵肆禍，繁欽述征賦：茫茫河濱，實多沙塵。謝靈運詩：天地中橫潰，又河州多沙塵，風悲黃雲起。楚辭：草木搖落而變衰。晉書：八公山草木皆為晉兵。禮記：月令仲秋之月，殺氣浸盛。又季秋是月也，草木黃落。魏文帝詩：上天垂光彩，五色一何鮮。潘岳關中詩：肝腦塗地，白骨交衢。幽關壯帝居，國命懸哥舒。長戟三十萬，開門納

克渠公卿如犬羊忠謹醢與苴二聖出遊豫兩京遂

丘墟

齊賢曰陳後主詩山河壯帝居祿山使崔乾祐屯陝以窺京是時哥舒翰病廢在家上召見拜

兵馬副元帥將兵入萬并高仙芝舊卒號二十萬軍于潼關安慶緒寇潼關翰擊却之有告崔乾祐在陝兵不滿四千上遣使促翰進兵復陝洛翰奏祿山久習用兵今始為逆豈無備必羸師以誘我揚國忠疑翰謀已害於上更趣之翰撫膺慟哭引兵出關遇乾祐於靈寶西原南薄山北阻河隘道七十里官軍會戰乾祐伏兵於險乘高下木石官軍大敗乾祐遁克潼關執翰以東上幸蜀至馬嵬父老遮道留太子討賊上許之太子乃還治兵于朔方曹書桓溫嘆曰使神州陸沉百年丘墟王夷甫諸人不得不任其責王

贊曰戴逵林棲賦曰幽關忽其離鍵西京賦曰仰福帝居孫子兵法曰知兵之將人之司命國家安危之

主齊垣崇祖少學騎射或曰何不學書崇祖曰曹操

不學書黃巢上馬黃巢上馬黃巢上馬黃巢上馬黃巢上馬

全之長向異人羊晉帝紀論曰據天下女馬君
二都如拾遺芥將相王侯連頸以受戮豈不哀哉李
陵書曰昔蕭樊囚執韓彭荏醢五臣文選范曄後漢
書二十八將傳論曰蕭樊尚猶縲綬信越終見范曄
帝子許專征秉旄控強楚節制非桓文軍師擁熊虎
人心失去就賊勢騰風雨惟君固房陵誠節冠終古
齊賢曰帝子指永王璘事見入卷注楚辭帝子降兮
北渚孫卿曰桓文之節制不足以敵湯武之仁義尚
書如虎如貔如熊如羆王贊曰南史梁元帝初封湘
東王侯景陷建業長史王冲等拜箋請為太尉都督
中外諸軍事承制主盟王不許曰吾於天下為不賤
寧俟都督之名帝子之尊何藉上台之位專征秉旄
見前註記樂記世事民之風雨也列子飄風暴雨不
終朝隋高炳竭誠盡節以天下為已任莊子云終古
不忒楚辭長
無絕芳終古
僕卧香爐頂食霞漱瑶泉門開九江轉

枕下五湖連半夜水軍來尋陽滿旌旄空名適自誤

迫脅上樓船徒賜五百金棄之若浮煙辭官不受賞

翻謫夜郎天

齊賢曰遠法師廬山記山東南有香爐山禹貢九江孔殷在尋陽水軍即永王

舟師也周禮析羽為旌通帛為旃樓船見前士贊曰漢黥布傳提空名鄉楚魏書載曹公令曰昔趙奢實武之為將也受賜千金一朝散之陶潛詩吁嗟身後名於我若浮煙左思詩功成不受賞高節卓不群五

湖見一卷

夜郎萬里道西上令人老犢蕩六合清仍為負

霜草日月無偏照何由訴蒼昊良牧稱神明深仁恤

交道

齊賢曰選古詩思君令人老良牧韋江夏也士贊曰漢董仲舒策殊方萬里史李斯傳秋霜降

則草花落記孔子問居曰日月無私照張藟古火寶

圖雲補後集今稱爲神明去官百始思之圖畫
配食縣社記曲禮執友彌其仁也交遊彌其信也後
漢王丹曰交道之難未易言也世稱管鮑次則王
貢張陳凶其終蕭朱隙其末故知全之者鮮矣

忝青雲客三登黃鶴樓顧慙爾處士虛對鸚鵡州樊

山霸氣盡寥落天地秋江帶峨眉雪川橫三峽流萬

舸此中來連帆過揚州送此萬里目曠然散我愁齊賢

日史記附青雲之士黃鶴樓在鄂州劉表送爾衡與
江夏太守黃祖祖長子射爲章陵守尤善衡大會賓
客有人獻鸚鵡鵠射曰今日無以娛賓願先生爲賦衡
因賦之筆不停綴由是鄂有鸚鵡洲樊山隸岳州峨
眉縣明月峽巴峽巫峽並見前王贊曰陶潛詩悠悠
待秋稼寥落將賒遲記月令孟秋之月天地始肅沈
休文昭王碑蠻陬夷徼重山
萬里江淹詩眇然萬里遊
紗窓倚天開水樹綠如

髮窺日畏銜山促酒喜得月

士贊曰郭璞江賦陂如地闢豁天開毛詩稠直

髮如

吳娃與越艷窈窕誇鉛紅呼來上雲梯含笑出簾

攏對客小垂手羅衣舞春風

齊賢曰劉淵林注吳都賦云吳俗謂好女為娃

越艷越女詩云窈窕淑女古樂府有大垂手小垂手

曲解題云大垂手小垂手皆言其舞而垂手也吳均

小垂手曲曰舞女出西秦躡影飛陽春且復小垂手

廣袖拂紅塵士贊曰楚辭既含涕兮又宜笑神女賦

含喜微笑曹植洛神賦披羅

衣之璀璨珥瑤碧之華裾

賓跪請休息主人情未

極覽君荆山作江鮑堪動色清水出芙蓉天然去雕

飾齊賢曰荆山作韋之詩也鮑照曰謝靈運五言如勅發芙蓉自然可愛士贊曰記曲禮賓跼前席劉

琨詩曰不遑休息阮籍詩娛樂未終免與橫素襟無

時不招尋朱門擁虎士列戟何森森剪鑿竹石開繁

流漲清深登樓坐水閣吐論多英音片辭貴白璧一

諾輕黃金謂我不愧君青鳥問丹心齊賢曰禮書後世有祭戟天子

二十四諸侯十二或施於公門或設於私家史虞卿

說趙孝成王一見賜黃金百鎰白璧一雙曹丘生曰

楚人諺得黃金百觔不如季布一諾阮籍詩曰青鳥

明我心士贇曰按馮鑒事始開元禮開府郡王嗣王

帶職事三品及上州都督府以上十四戟帶職事三

品及下州刺史各十戟旛帶每副二十條以五色物

充焉又張介然入奏稱旨啓曰臣謂三品當給棨戟

若列於京師雖富貴不爲鄉人知願得列戟故里玄

宗許之別賜戟京師第門宴間里老本鄉得列戟

自介然始晉裴楷云如觀武庫森森但見矛戟

色雲間鵲飛鳴天上來傳聞赦書至却放夜郎迴暖

氣變寒谷炎煙生死灰君登鳳池去忽棄賈生才齊賢

曰朝野僉載曰唐正觀末南康黎景逸居於空青山常有鵲巢其側每飲食以饅之後隣近失布者誣景逸盜之繫南康獄月餘劾不承欲訊之其鵲止於獄樓向景逸歡喜似傳語之狀其日傳語赦官司詰其由來云路逢玄衣素衿人所說三日而赦至景逸還山乃知玄衣素衿者鵲之所傳劉向別錄燕谷寒不生五穀鄒衍吹律而溫至生黍也韓安國曰死灰獨不然乎晉荀勗久在中書武帝以爲尚書令或賀之公惜曰奪我鳳凰池諸君賀我邪漢書云賈誼謫長沙王太傅士贇曰魏劉廙疏曰起煙於寒灰之上唐志自魏及晉以來中書監令掌贊詔命記會時事典作文書以其地在禁近秉鈞持衡多承寵任人固其位謂之鳳凰池謝樂大尚吹堯舜笑千秋中夜四跳詩茲言翔鳳池

五嘆常爲大國憂旌旆夾兩山黃河當中流連雞不

得進飲馬空夷猶安得弄善射一箭落旄頭

齊賢曰鄒陽傳

曰櫟之犬可使吠堯漢車千秋爲高寢郎會太子爲
江充所譖敗久之千秋上急變訟太子寬上大感悟
召見拜大鴻臚數月代劉屈氂爲相後漢使至匈奴
單于問聞新拜丞相何用得之使者曰以上書言事
故單于曰如是漢置丞相非用賢也妄一男子上書
卽得之矣左傳曰爲大國之憂戰國策秦惠王曰蘇
秦約諸侯諸侯不可一猶連雞之不能上棲亦明矣
長安圖經云漢時七里渠有飲馬橋淮南子堯時十
日並出草木焦枯堯命羿向射十日中其九日日中
九鳥皆死墮其羽翼史記昂爲旄頭旄頭胡星也王
贊曰詩云悠悠旆旌兩山太華首陽也郭緣生述征
記曰華山與首陽本一山河神巨靈擘開以通河流
後漢書竇憲傳追奔稽落之表飲
馬北鞬之曲楚詞君不行兮夷猶

江夏使君叔席上贈史郎中

鳳凰丹禁裏。銜出紫泥書。昔放三湘去。今還萬死餘。

仙郎久爲別。客舍問何如。涸轍思流水。浮雲失舊居。

多慙華省貴。不以逐臣疎。復如竹林下。叨陪芳宴初。

希君生羽翼。一化北溟魚。

齊賢曰。事始云。石季龍置戲馬觀。觀上安詔書。用五色紙銜于木鳳之口。轆轤回轉。形若飛翔。後漢志。天子信璽六璽。皆以武都紫泥封。青囊白索。果兩端無縫。三湘見前。司馬遷曰。萬死不顧。一生莊子云。周昨來有中道而呼者。周顧視車轍中。有鮒魚曰。我東海之波臣也。君豈有斗升之水而活我哉。正觀中。度支令坊州貢杜若。本州曹官云。州不出杜若。應由謝眺詩誤。華省名郎。若此判事。豈不畏二十八宿笑。又本傳云。白與孔巢父。韓準。裴政。張叔明。陶沔。居徂徠山。號竹溪六逸。竹林七賢。見前。魏文帝詩。身體生羽翼。

色紙銜于木鳳之口。轆轤回轉。形若飛翔。後漢志。天子信璽六璽。皆以武都紫泥封。青囊白索。果兩端無縫。三湘見前。司馬遷曰。萬死不顧。一生莊子云。周昨來有中道而呼者。周顧視車轍中。有鮒魚曰。我東海之波臣也。君豈有斗升之水而活我哉。正觀中。度支令坊州貢杜若。本州曹官云。州不出杜若。應由謝眺詩誤。華省名郎。若此判事。豈不畏二十八宿笑。又本傳云。白與孔巢父。韓準。裴政。張叔明。陶沔。居徂徠山。號竹溪六逸。竹林七賢。見前。魏文帝詩。身體生羽翼。

山後漢耿恭傳出於萬死無一生之望
傳曰但問歲終何如鮑照詩逐臣對撫心

博晉鄭太守自廬山千里相尋入江夏北市門

見訪却之武陵立馬贈別

大梁貴公子氣蓋蒼梧雲若無三千客誰道信陵君

救趙復存魏英威天下聞邯鄲能屈節訪博從毛薛

夷門得隱淪而與侯生親仍要鼓刀者乃是袖提人

好士不盡心何能保其身

齊賢曰歸藏啟筮曰白雲出於蒼梧人于大梁史

子無忌救趙事見前無忌留趙聞有處士毛公藏於博徒薛公藏於賣漿家乃徒步往從此兩人游甚歡
留趙十年不歸秦日夜出兵東伐魏魏王使使請公
子毛公薛公往見公子曰公子所以重於趙名聞諸

侯者徒以有魏也使秦破大梁而夷先王之宗廟公
子當何面目立天下乎語未及卒公子立趣駕歸救
魏魏王見公子相與泣而以上將軍印授公子公子
遂將諸侯人之各遣兵救魏公子率五國之兵破秦
於河外乘勝逐秦軍至函谷關秦兵不敢出常是時
公子威振天下士贊曰好士不盡心何能保其身者
言公子存趙救魏之功始終得侯生毛公薛公之力
所以能保其身者是由盡心好士之效也此詩太白
蓋以公子無忌屬望鄭公多君重然諾意氣遙相託
而以侯生毛薛白期也

五馬入市門金鞍照城郭都忘虎竹貴且與荷衣樂

齊賢曰選詩李布重然諾漢義天子六馬諸侯五馬

白曰行云白馬黃金鞍漢文帝與太守為銅虎符竹

使符離騷云製芟荷以為衣兮集芙蓉以為裳北山

移文焚芟製而裂荷衣王贊曰江表傳孫策曰太史

慈氣勇有膽烈貴重然諾一以意氣相期如此楚辭荷衣兮蕙

帶荷衣隱者草服也以喻鄭
公其勢分以貴下賤之義
去去桃花源何時見歸

軒相思無終極腸斷朗江猿
齊賢曰桃花源在朗州桃源縣王贊曰晉呂安

服嵇康高致每一相思輒千里命駕阮籍詩娛樂未
終極江淹賦行子腸斷古歌云巴東三峽巫峽長猿

啼三聲斷人腸魏文帝
詩念君客 按思斷腸

江上贈竇長史

漢求季布魯朱家。楚逐伍胥去章華。萬里南遷夜郎

國。三年歸及長風沙。
齊賢曰伍子胥事見三卷註楚有章華臺池州鴈汊下八十里

名長風沙土贊曰漢求季布魯朱家事見九卷註
聞道青雲貴公子。錦帆近

戲西江水。人疑天上坐樓船。水淨霞明兩重綺。
齊賢曰須

賈曰君能自致於青雲之上劉伯倫涇德頌有貴介
公子縉紳處士隋煬帝幸江都以錦爲帆謝玄暉詩
澄江淨如練餘霞散成綺王賈曰史記井附青
雲之上惡能施於後世哉選詩遊戲宛與洛
相約

相期何大深棹歌搖艇月中尋不同珠履三千客別

欲論交一片心

齊賢曰西京賦齊棹女縱棹歌韋昭
云棹楫也棹歌引棹而歌漢武秋風

辭發神歌春申君客三千餘人其上客皆躡珠履
以見趙使士贊曰晉劉琨傳其意氣相期如此

贈王漢陽

天落白玉棺王喬辭鄴縣一去未千年漢陽復相見
猶乘飛鳧尚識仙人面鬢髮何青青童顏皎如練

賢曰列仙傳王喬河東人顯宗世爲葉令每月初

聖之言其臨至輒有雙鳬從東南飛來於是同鳬至
舉羅張之但得雙鳬視之即四年中所賜尚書官屬
優後天下王棺於堂前吏人推排終不搖動喬曰天
帝獨召我邪乃沐浴服飾寢其中蓋便立覆宿昔葬
於城西其夕縣車牛背流汗喘乏而人無知者洛神
賦光潤玉顏士贇曰江淹別賦曰至如一去絕國詎
相見期又曰倘有華陰士服食遇仙駕鶴上漢騷
鸞登天暫遊萬里少別千年謝靈運詩陸展染白髮
欲以媚側室青青不解又星星
行復出謝元暉詩澄江淨如練
吾曾弄海水清淺嗟

三變果慙麻姑言時光速流電與君數杯酒可以窮

歡宴白雲歸去來何事坐交戰

齊賢曰神仙傳漢

蔡經家令人與麻姑相聞麻姑來乃一好女子年可
十七八入拜方平為起立麻姑曰接待以來見東海
三為桑田向到蓬萊水又淺於往者陶潛有歸去來
辭士贇曰陶潛詩倏如流電驚鮑照詩握君手把杯

酒張衡南都賦接歡宴於日夜謝宣遠詩歡餘宴有
窮沈約詩白雲隨玉趾青霞結旌旗陶潛詩富貴常
交戰道勝
無戚顏

贈漢陽輔錄事二首

聞君罷官意。我抱漢川湄。借問久疎索。何如聽訟時。
天清江月白。心靜海鷗知。應念投沙客。空餘弔屈悲。
齊賢曰罷官解印也漢發嶧冢至漢陽大別山之東
入江湄猶云濱也毛詩行露召伯聽訟也列子海上
之人有好鷗鳥者每旦之海上從鷗鳥遊鷗鳥之至
者百往而不止投沙客屈原也賈誼爲長沙王太傅
渡湘水爲賦以弔屈原王贊曰語
云聽訟吾猶人也必也使無訟乎

鸚鵡洲橫漢陽渡。水引寒煙沒江樹。南浦登樓不見
君。君今罷官在何處。漢口雙魚白錦鱗。令傳尺素報
情人。其中字數何多少。祇是相思秋復春。齊賢曰鸚鵡
洲在漢
陽渡之上流謝玄暉詩長煙引輕素楚辭送美人兮
南浦江文通別賦送君南浦傷如之何漢口漢入江
處在漢陽之東二里古樂府云客從遠方來遺我雙
鯉魚呼童烹鯉魚中有尺素書長跪讀素書書中竟
何如上有加餐食下有長相憶王
贊曰古杏壇操暑往寒來春復秋

江夏贈韋南陵冰

胡驕馬驚沙塵起胡雛飲馬天津水君爲張掖近酒

泉我竄三巴九千里

齊賢曰南史虜馬飲江水佛狸
死卯年唐其州張掖郡肅州酒

泉郡武德二年析甘州之福祿瓜州之玉門置土贊
曰漢書匈奴傳曰胡者天之驕子也張儼默記曰長
駟祈山慨然有天地再新法令寬夜郎遷客帶霜寒
飲馬河洛之志

西憶故人不可見東風吹夢到長安寧期此地忽相

遇驚喜茫如墮煙霧玉簫金管喧四筵苦心不得申

長句齊賢曰江文通賦曰遷客海上故人即韋南陵

江淹詩乘鸞向煙霧咸寧中盜發張駿冢得此

玉簫安祿山自范陽獻白玉簫管數百王贊曰晉書

宋纖傳名可聞而身不可見謝玄暉詩故人心此爾

故心人不見謝宣遠詩四筵沾芳醴昨日繡衣領綠

謝靈運詩如何乘苦心矧復值秋晏

樽病如桃李竟何言昔騎天子大宛馬今乘款段諸

侯門賴遇南平轡夕寸復兼夫子持清論有似山開

萬里雲四望青天解人悶人悶還心悶苦辛長苦辛

齊賢曰漢有繡衣御史選詩賓至下陳榻友來命綠樽李廣贊桃李不言下自成蹊大宛國出善馬漢伐宛獲汗血馬作西極天馬之歌馬援擊交趾破之封新息侯擊牛饗軍士謂其官屬曰吾從弟少游管哀吾慷慨有大志曰士生一世但取衣食裁足乘下澤車御款段馬爲郡掾吏守墳墓鄉里稱善人斯可矣南平指太守李之遙也徐庶曰方寸亂矣無益於事士贊曰莊子方寸之地虛矣後漢書孔公緒清談高論噓枯吹生沈休文昭王碑曰愁來飲酒二千石寒重山萬里曹植詩能不懷苦辛

灰重暖生陽春山公醉後能騎馬別是風流賢主人

齊賢曰開元遺事宋璟愛民恤物時人咸謂有脚陽春言所至之處如陽春煦物也山簡鎮襄陽童兒歌曰山公出何許往至高陽池日夕倒載歸酩酊無所知時上能騎馬倒着白接籬士贊曰魏志劉廙傳魏

諷廙弟偉爲諷所引當相坐誅太祖令曰叔向不坐
虎古之制也特原不問徙署丞相倉曹屬廙上疏謝
曰臣罪應傾示禍宜覆族遭乾坤之靈值時來之運
揚波止沸使不焦爛起煙於寒灰之上生華於已枯
之木物不荅施於天地子不謝生於父

頭陀雲月多

母可以死效難用筆陳莊子煖然似春
僧氣山水何曾稱人意不然鳴笳按鼓戲滄流呼取

江南女兒歌權謳我且爲君槌碎黃鶴樓君亦爲吾

倒却鸚鵡洲赤壁爭雄如夢裏且須歌舞寬離憂

賢齊

曰頭陀寺在鄂州宋大明五年建天竺言頭陀北斗
數斗數煩惱也王巾曾撰頭陀寺碑魏文帝書曰從
者鳴笳以啓路權謳唱簫籟鳴西都賦棹女謳武帝
秋風辭簫鼓鳴兮癸棹歌此樓以黃鶴山得名赤壁
磯也百人山封峙在今鄂州上流八千里王贊曰吳
志孫權遣周瑜劉備敗曹操於赤壁故曰爭雄也張

衡東都賦曰七雄並爭詩云式歌且舞史屈原傳離騷者猶離憂也

贈盧司戶

秋色無遠近出門盡寒山白雲遙相識待我蒼梧間

借問盧耽鶴西飛幾歲還

齊賢曰歸藏啓筮曰白雲出於蒼梧入于大梁鄧德

明記盧耽廣州人仕州爲治中少學仙術身能奮飛每夕輒凌虛歸家曉則還州嘗赴元會至曉不能隨從衆預朝列化爲白鶴至閣前回翔欲下威儀以筵擲之得一雙履耽乃驚還就列

贈從弟南平太守之遙二首

少年不得意落魄無安居願隨任公子欲釣吞舟魚
常時飲酒逐風景壯心遂與功名踈蘭生谷底人不

鋤雲在高山空卷舒

齊賢曰史記酈食其家貧落魄無所為衣食營海賦茹鱗甲吞

龍舟齊江夏王鋒著脩栢賦以見志明帝使人害之江數嘆曰芳蘭當戶不得不鋤其脩栢之謂乎祝記云山川出雲王贊曰任公子釣魚事見一卷還詩平生少年時刘向新序宋王事楚襄王而不見察意氣不得形於顏色漢田蚡傳墨上不得意魏武帝樂歌烈士暮年壯心不已淮南子曰盈縮卷舒與時變化

漢家天子馳駟馬赤車蜀道迎相如

齊賢曰朱買臣拜會稽太守長

安廐吏乘駟馬車來迎張晏曰大夫乘官車駕駟馬如今州牧刺史赤車朱輪也王贊曰史司馬相如傳是時邛笮之君長聞南夷典漢通得賞賜多上欲願為內臣妾請吏北南夷天子問相如相如曰邛笮冉驩近蜀道亦易通天子以為然乃拜相如為中郎將建節往使副使王然于壺充國呂越人馳四乘之傳因巴蜀吏幣物以賂西夷至蜀上太守以下郊迎縣令負弩天先驅蜀人以為寵索隱曰華陽國志云蜀

人城北十里有不升仙橋送客觀相如初入長安題其柱云不乘赤車駟馬不過此下也 天門九

重謁聖人龍顏一解四海春彤庭左右呼萬歲拜賀

明主收沉淪

齊賢曰高祖隆準而龍顏列子曰列子師老商氏五年之後夫子始一解顏而

笑潘安仁射雉賦昔賈氏之如皐始解顏於一笑彤庭以丹漆塗地也士贊曰宋玉招魂云魂兮歸來君無上天些虎豹九關啄害下人些注曰天門九重皆使虎豹守其關鑰宋玉九辯曰豈不鬱陶而思君兮君之門以九重班固西都賦王階彤庭李善注曰漢書昭王舍中庭彤朱而殿上髹漆注曰彤赤色也以彤漆飾庭漢武詔曰吏翰林秉筆回英盼麟閣崢嶸卒咸聞呼萬歲者三

誰可見承恩初入銀臺門著書獨在金鑾殿

齊賢曰漢宮殿

麒麟閣蕭何造以藏秘書賢才唐銀臺門典左右掖昇龍門相望士贊曰太白召見金鑾殿及供奉翰林

幸見本集

序并前注 龍駒雕鐙白玉鞍象牀綺席黃金盤當時

笑我微賤者却來請謁為交歡

齊賢曰白玉鞍見前戰國策孟嘗君至楚

獻象牀直千金西京雜記鄒陽酒賦綃綺為席據為鎮江淹詩綺席生浮埃南史劉穆之為丹陽尹令厨人以金盤貯檳榔一斛送妻之兄弟弟漢陸賈見陳平曰吾何不交驩太尉深相結司馬相如諭告巴蜀諸公皆因門下獻牛酒交驩王贊曰漢張湯傳造請諸公師古曰請謁問也一朝謝病遊江

海疇昔相知幾人在前門長揖後門關今日結交明

日改愛君山岳心不移隨君雲霧迷所為

齊賢曰陸機嘆逝賦

序曰昵交密友亦不半在指伯山王年十八父為昏婦入前門伯山從後門出唐書秦州王謂尉遲敬德曰公之心如山岳雖積金至斗知公不移士贊曰列楨答文帝書曰癸彩晴時昔之外 夢得池塘生

春草使我長價登樓詩別後遙傳臨海作可見羊何

共和之

齊賢曰謝靈運嘗於永嘉西堂思詩竟日不就忽夢見惠連即得池塘生春草大以為工

常云此詩有神助謝靈運有登臨海嶠作與從弟惠連見羊何共和詩一首沈約宋書云靈運既東還與族弟惠連東海何長渝潁川荀雍大山羊璿以文章賞會共為山澤之遊謂之四友士贇曰臨海郡名羊羊璿何何長瑜

其二

東平與南平今古兩步兵素心愛美酒不是顧專城

謫官桃源去尋花幾處行秦人如舊識出戶笑相迎

齊賢曰晉阮籍拜東平相法令清簡東平鄆州也九域志南平郡為渝州阮籍聞步兵厨營人善釀有酣

酒三百斛乃求爲步兵校尉太白自注南平時因飲酒過度貶武陵古樂府四十專城居桃源縣在鼎州秦人避難居此左傳見子產如舊相識王贊曰吳孫楚傳北風之思感其素心古詩不如飲美酒

贈潘侍御論錢少陽

繡衣柱史何昂藏鐵冠白筆橫秋霜三軍論事多引納堦前虎士羅千將雖無二十五老者且有一翁錢少陽眉如松雪齊四皓調笑可以安儲皇君能禮此最下士九州拭目瞻清光

齊賢曰漢侍御史綉衣直指持斧捕盜李伯陽爲周

柱下史後漢輿服志法冠一曰柱後高五寸以纚注今之襪爲展簪鐵柱卷執法者服之或謂之獬豸冠獬豸神羊能別曲直魏辛毗傳魏大會殿中侍御史

替白筆側皆而坐上前此爲何官何主左右不封

毗曰此謂御史簪筆以奏不法魏都賦抗矜則威險
秋霜吳越春秋曰吳闔閭使干將鑄劍干將夫
婦乃斷髮剪爪投之爐中遂以成劍陽曰干將而作
龜文陰曰鑄劍而作漫理說苑介子推行年十五而
相荆仲尼聞之使人往視還曰廊下有二十五俊士
堂上有二十五老人仲尼曰合二十五人之智上於
易武弁二十五人之力力於彭祖以治天下其固免
矣乎四皓事見前謝靈運詩調笑輒酬荅是錯策曰
執事之臣皆天下之選士然莫能望陛下清光士贊
曰張蒼傳秦時爲御史大夫主柱下方書荀悅申鑒
人主怒如秋霜詩公徒三萬箋云大國三軍合三萬
七千五百人白虎通曰固有二軍何所以戒非常伐
無道唐太宗問魏證曰此來朝臣何故不論事對曰
陛下虛心采納必有言者書虎賁三百人注曰勇士
稱也若虎賁單言其猛也顏延年詩山明望
松雪梁蕭統四皓贊儲皇不安我德是顯

贈柳圓

竹實滿秋園鳳來何苦饑還同月下鵲三繞未安枝

齊賢曰鄭玄毛詩箋云鳳凰之性非竹實不食魏武

臧府曰月明星稀烏鵲南飛繞樹三匝何枝可依山

贊曰魏文帝樂府曰薄暮苦

饑古艷歌詞曰腸中嘗苦饑夫子卽瓊樹傾柯拂羽

儀懷君戀明德歸去日相思

齊賢曰離騷注南方有鳥其名爲鳳天爲生樹

名瓊枝高二十仞大三十圍以琳琅爲實張揖曰瓊

樹生崑崙崙西流沙濱世說王戎云太尉神姿高徹如

瑤林瓊樹自自然是風塵表物易鴻漸子陸其羽可用

爲儀吉禮記鳴鳩拂其羽士贊曰江淹詩願一見顏

色不異瓊樹枝又高步超常倫靈鳳振羽儀班

固幽通賦皇十紀而鴻漸兮有羽儀於上京

流夜郎半道承恩放還兼歛尅復之美書懷示

息秀才

黃口爲人羅白龍乃魚服得罪豈怨天以愚陷網目

鯨鯢未剪滅豺狼屢翻覆悲作楚地囚何日秦庭哭

齊賢曰左傳楚子曰古者明王伐不敬取其鯨鯢而

封之以爲大戮注鯨鯢大魚名以喻不義之人漢書

豺狼當道安問狐狸左傳晉侯見鍾儀囚使稅之語

范文子曰楚囚君子也楚昭王在隨申包胥如秦乞

師立依於庭牆而哭日夜不絕聲秦師乃出士贊曰

黃口及白龍事見前陳孔璋檄吳將校部曲文曰不

知天網設張已在綱目發鑊之魚遭逢二明主前後

期於消爛也鮑照詩邊城屢翻覆

兩遷逐去國愁夜郎投身竄荒谷齊賢曰二明主明皇肅宗也天寶

明皇召見太白金鑒殿使待詔翰林嘗三欲命白

爲高力士所沮詔令歸山至乾元元年以汧丞

事流夜郎此半道雪屯蒙曠如鳥出籠遙欣尅復美

爲兩遷逐也

李詩前主
卷十一
二天

光武安可同天子巡劔閣儲皇守扶風揚袂正北辰

開襟攬群雄胡兵出月窟雷破關之東左掃因右拂

旋收洛陽宮廻輿入咸京席卷六合通

齊賢曰唐乾元元年正月

戊寅上皇御宣政殿授皇帝傳國寶符冊二月大赦

改元四月甲寅朝享太廟有事于南郊乙卯大赦曾

子固序曰乾元元年流夜郎遂泛洞庭上峽江至巫

山以赦得釋是也易曰雲雷屯又曰山下有險上而

止蒙初上皇幸蜀至扶風父老皆避道請留上命太

子於後宣慰父老曰至尊不肯留某等願率弟子從

殿下東破賊上乃諭將士曰太子仁孝可奉宗廟善

輔佐之又諭太子曰勉之西北諸胡吾祀之素厚汝

必得其用上遂入蜀太子自奉天北上陳倉杜鴻漸

說太子往靈武七月甲子即位以廣平王儼為天下

兵馬元帥九月將朔方等軍及回紇西域之衆千五

百萬人討吐蕃二丁千遺其子葉護將其兵俟見葉護

爲前軍郭子儀爲中軍王思禮爲後軍癸卯大軍入
西京留長安三日引軍東出十月廣平王至曲沃集
護使將軍鼻施吐撥裴羅等引軍旁南山搜伏因駐
嶺北郭子儀與賊遇於新店賊依山而陳回紇自南
山襲其背於黃埃中發十餘矢賊驚顧曰回紇至矣
遂潰官軍與回紇夾擊之賊大敗庚申慶緒走河北
壬戌廣平王入東京上實曰屯蒙之義卽易注始於
冥昧及昧莫若蒙之義蓋大白遭暗昧之謗茲馬雪
釋故取義云晉郭鵠字元瑜敦煌人張天錫徵之瑞
指翔鴻示使曰此鳥也安可籠哉乃深逃絕迹齊劉
善明謂沈攸之曰此已籠之鳥耳晉王導曰尅復神
州語譬如北辰居其所而衆星共之後漢鄧禹說光
武曰方今之計莫如延攬英雄務悅民心立高祖之
業救萬民之命天下不足定也陸機辨亡論群雄蜂
駭義兵四合楊維賦西歷月窟史年表太史公曰明
天子兼文武席卷四海後漢馮衍傳皇帝席卷天下
蔡邕釋誨曰掃六合之穢慝清宇宙之塵埃終軍傳

日六合

叱咤開帝業手成天地功大駕還長安兩日

忽再中一朝讓寶位劍璽傳無窮

齊賢曰通鑑十二月丙午上皇至咸

陽上備法駕迎於望賢宮上皇在宮南樓上釋黃袍
着紫袍望樓下馬趨進拜舞樓下上皇降樓撫上而
泣上捧上皇足鳴咽不自勝上皇索黃袍白為上着
之上伏地頓首固辭上皇曰天數人心皆歸於汝使
朕得保養餘齒汝之孝也上不得已受之父老在伏
外歡呼目拜上令開仗縱千餘人入謁上皇曰臣等
今日復覩二聖相見死無恨矣丁未發行宮上皇上
馬上親執韉行數步上皇止之上乘馬前引不敢當
馳道上皇自開遠入御舍元殿慰撫百官請長樂殿
御九廟主即日幸興慶宮遂居之上累表避位還東
宮上皇不許所謂日冊中漢郊紀志新垣平言臣候
日冊中須之日却復中乾元元年正月戊寅上皇御
宣政殿授冊此讓位之本末也高祖斬蛇劍與傳國
璽李斯所書者皆歷代傳之以為國寶上皇曰後漢

皇前高傳曰此以與星宿前星女前星三子
帝五載而成帝業班彪王命論英雄陳力群策畢舉
此高祖所以成帝業也鄭國語曰大成天地之大功
者其子孫未嘗不章虞夏殷周是也蔡邕獨斷曰大
駕備千乘萬騎易曰聖人之大寶曰位
漢董仲舒策曰傳之無窮施之罔極
愧無秋毫力

誰念矍鑠翁弋者何所慕高飛仰冥鴻棄劍學丹砂

臨鑪雙玉童寄言息夫子歲晚陟方蓬
齊賢曰光武謂馬援曰矍鑠

鑠哉是翁也揚子鴻飛冥冥弋人何慕焉士贇曰孟子明足以察秋毫之末魏伯陽周易參同契丹砂木精得金乃并又曰臨鑪定鉢兩方蓬方壺蓬萊也

贈張相鎬二首
時逃難在宿松山作後一首亦作晉載重寄張相公

神器難竊弄天狼窺紫宸六龍遷白日四海暗胡塵

齊賢曰李斯扶王神器四海懽心神器天位也天狼
一星在東井南主盜賊爲害楚辭舉長矢兮射天狼
紫宸天帝斯居春秋命曆序曰日出扶桑駕六龍以
上下土贊曰晉書慕容德載記論曰跨有全齊竊弄
神器慕容恪載記贊曰假竊神器憑陵帝鄉守不以
德終致餘殃老子曰天下神器不可爲也爲者敗之
也班彪王命論不知神器有命不可以智力求韋昭
曰神器天子璽符服御之物向曰神器帝位也晉書
劉聰載記論曰昔幽后不綱胡塵暗於鹹水

昊穹降元宰君子方經綸澹

然養浩氣歛起持大鈞秀骨象山嶽英謀合鬼神佐

漢解鴻門生唐爲後身擁旄秉金錢伐鼓乘朱輪

齊賢

曰孟子曰我善養吾浩然之氣賈誼鵬賦曰大鈞播
物坎此無垠詩曰誰秉國鈞傳燈錄慧可大師將欲
受果頭痛如刺欲治之空中曰此乃換骨非常痛也
見其真骨即如五峯秀山矣易曰大人者與鬼神合

其古以漢書沛公入關秦王子嬰降還軍霸上項
至鴻門欲擊沛公項伯遂夜馳見張良欲與俱亡良
乃因要項伯見沛公沛公與飲為壽結婚姻冷其言
沛公不叛背項羽沛公乃從百餘騎驅之鳴門見謝
項羽得解歸張鎬字從周博州人好伯王大略楊國
忠執政求天下士為已重聞鎬才薦之釋褐拜左拾
遺歷侍御史元宗入蜀鎬徒步扈從俄遣詣肅宗所
論事尋拜平章事詔河南節度使都統淮南諸軍事
帝還京封南陽郡公以本軍鎮汴州蓋喻鎬為子房
後身也尚書左僕黃鉞右秉白旄以麾楊暉報孫會
宗書曰暉家方隆盛時乘朱輪者十人毛詩載鼓淵
淵士贇曰司馬相知封禪書肇自顓窮生民晉書王
導傳論口實賴元宰固懷匪石之心潛迴忠謀竟剪
吞沙之寇易曰雲雷屯君子以經綸班固涿邪山祝
文曰杖節擁旄征人伐鼓虞羲詩擁旄為漢將汗馬
出長城漢劉向曰王氏一姓乘朱輪華轂者二十三
人

虎將如雷霆揔戎向東巡諸侯拜馬首猛士騎鯨

鱗澤被魚鳥悅令行草木春聖智不失時建功及良

辰齊賢曰詩云如雷如霆徐方震驚左傳荀偃曰惟余馬首是瞻羽獵賦乘巨鱗騎鯨魚戰國策聖人

不能為時能不失時耳上贊曰詩云進厥虎臣闕如

疏虎漢晁錯策草木諸產皆被其澤荀子曰令行禁止班固賓戲六合之內莫不沐浴玄德譬猶草木醜

之殖山林鳥魚之毓川澤東征賦選良辰而將行

虜安足紀可貽輟與巾倒瀉溟海珠盡為入幕珍馮

異獻赤伏鄧生倏來臻庶同昆陽舉再覩漢儀新齊賢

曰蜀志諸葛亮屯五丈原司馬懿與亮相守百餘日亮數挑戰懿不出亮乃遺懿巾

表請戰懿使辛毗杖節制之選請譬海出明珠晉書

補生可謂入幕之賓矣光武在長安時同舍生羅華

奉赤伏符曰劉秀發兵誅不道四夷雲集龍圖野四

二之祭火為王遂於是即位馬異傳云諸將勸光武

卽位光武曰我昨夜夢乘赤龍上天覺悟心中動悸
異再拜賀曰此天命發於精神心中動悸大王謹重
之性耳異遂議上尊號無赤伏符事疑誤鄧禹傳光
武初安集河北禹杖節北渡追及於鄴光武見之甚
懽後漢書王莽遣王邑王尋發兵平定山東會者四
十二萬人諸將見兵盛皆反走入昆陽城中惟有入
九千人光武使王鳳王常守昆陽夜與李軾出城外
收兵時莽兵到城下者且十萬圍之數十重積弩亂
發天下如雨光武自將步騎千餘爲前鋒去大軍四
五里而陳尋邑亦遣兵數合戰光武奔之斬首數十
級諸將喜曰劉將軍平生見小敵怯今見大敵勇可
惟也光武復進尋邑却光武與三千人衝其中堅尋
邑自將萬餘迎戰陳亂漢兵乘之遂殺王尋城中鼓
譟而出震呼動天地莽兵大潰更始將都洛陽以光
武行司隸校尉前脩官府光武置僚屬作文移一如
舊章三輔吏士東迎更始見司隸僚屬皆歡喜曰不
圖今日復見漢官威儀王贊曰詩云仍執醜虜晉書
桓溫傳論曰何醜虜之猖狂而亂離之斯瘼者也晉

書呂纂載記論曰
仗義而誅醜虜

昔為管將鮑中奔吳隔秦一生欲

報主百代期榮親其事竟不就哀哉難重陳卧病宿

松山蒼茫空四隣風雲激壯志枯槁驚常倫

齊賢曰
劉越石

詩棄置勿重陳太白自注時在宿松山宿松縣誌舒

州同安縣王贊曰鮑照詩投軀報明主晉天文志百

代不易之道也尚書睦乃四鄰易雲從龍風從虎聖

人作而萬物覩班固答賁戲曰皆躡風雲之會後漢

馬武傳論成能感會風雲奮其智力班超曰

小子安知壯士志哉莊子曰枯槁之士宿名

聞君自

天來日張氣益振亞夫得劇孟敵國空無人捫蝨對

桓公願得論悲辛大塊方噫氣何辭鼓青蘋斯言儻

不合歸老漢江濱

齊賢曰漢劇孟傳吳楚反時條侯
至河有得劇孟喜曰吳楚舉大事

而不求劇孟吾知其無能爲已天下騷動大將軍之若一敵國晉載記王猛隱于華陰山懷佐世之志希龍顏之主歛翼待時候風雲而後動桓溫入關猛被褐而詣之一面談當世之事捫蝨而言旁若無人溫察而異之鮑照野鶴賦對鍾鼓之悲辛莊子夫塊意氣其名爲風宋玉風賦風生於地起於青蘋之末禹貢嶧冢導漾東流爲漢自漢中以下至漢陽軍大別山入江皆曰漢江王晉曰漢周亞夫傳曰諸侯聞之以爲將軍從天而下也漢書蹕廣蹕受曰今仕宦至二千石豈如父子相隨出關歸老故鄉以壽命終遂上疏乞骸骨上以年篤老皆許之

其二

本家隴西人先爲漢邊將功略蓋天地名飛青雲上

苦戰竟不侯當年頗惆悵

齊賢曰唐宗室世系表帝顯頊生大業大業生女華

女華生皐陶爲堯大理生益歷虞夏商世爲大理以
官命族爲理氏紂時理微以直道不容得罪而死其
妻契和氏與子利貞逃難於伊侯之墟食木子得全
遂改理爲李氏利貞生昌祖爲陳大夫家于苦縣生
彤德彤生孫頤宗周康王賜采邑於苦縣五世孫乾
爲周上御史大夫娶益壽氏女嬰敷生耳字伯陽一
字聃周平王時爲太史其後有李注爲秦將軍生曇
常栢人侯生四子崇辨昭璣崇爲隴西房璣爲趙郡
房崇生瑤瑤生信信生超超生伸翔翔生尚成紀令
因居成紀尚生廣二子長曰當戶生陵次曰敢生禹
其後李弁爲前涼張駿天水太守太守生昶昶生嵩
字玄盛西涼武昭王興聖皇帝太白興聖皇帝九世
孫隋末其先以罪徙西域神龍初遁還客巴西因家
焉見生白白旣長隱岷山州舉有道不應蘇頲爲益
州長史異之曰是子天才英特少益以學可比相如
然喜縱橫術擊劍爲任俠輕財重施更客任城與孔
巢父韓準裴政張叔明陶沔居徂徕山日沈飲號竹
溪六逸天寶初南入會稽與吳筠善筠被召故白亦

至長安往見賀知章知章見其文嘆曰子謫仙人也
言於元宗召見金鑾殿論當世事奏頌一篇賜食親
手調羹有詔供奉翰林王亮謂姚襄曰公英名蓋世
謝靈運詩託身青雲上望氣王朔與李廣曰禍莫大
於殺已降此將軍所以不侯也士贊曰漢叔孫通傳
帝王之功非一士之略荀子曰功積如天地唐房玄
齡曰秦王功蓋宇宙史太史公曰閭巷之人欲砥行
立名者非附青雲之士惡能施於後世哉又須賈曰
不意君能自致於青雲之上楚辭曰惆悵兮私自憐

世傳崆峒勇氣激金風壯

英烈遺厥孫百代神猶王

齊賢曰寰宇記肅州昔月支之地漢武時為武威酒

泉郡崆峒山在郡東爾雅曰北戴斗極為崆峒崆峒
之人武西主金故秋謂之金風王去聲士贊曰梁元
帝纂要曰秋風曰金風詩云貽厥孫謀書云有典有
則貽厥子孫後漢楊震曰使後世稱為清白吏子孫
以此遺之不亦厚乎晉陸雲傳百代文宗一人而已
莊子曰澤雉十步一啄百步一飲神雖王不善也

十五觀奇書作賦凌相如龍顏惠殊寵麟閣憑天居

晚途未云已蹭蹬遭讒毀

齊賢曰太白未裴長史書十歲觀百家軒轅以來頗

得聞矣與韓荊州書曰十五好劍術徧于諸侯三十
成文章歷抵公卿漢高祖隆準而龍顏言召見之時
御手調羹步輦降迎也麟閣蕭何造以藏秘書賢才
言供奉翰林也海賦蹭蹬窮波注云失勢貌言高力
士激貴妃泪抑之也士贇曰班固漢志新莽居攝使
執豐改定六書二曰奇字即古字有異者漢楊雄傳
蜀有司馬相如作賦甚弘麗溫雅楊雄壯之每作賦
常擬之以爲式左太冲詩作賦擬相如魏志曹爽傳
世蒙殊寵夏侯尚傳各受殊寵蔡邕述征賦曰皇家
赫而天居鮑照白紵舞歌辭曰桂宮栢寢擬天居又
詩曰層閣
肅天居

想像晉末時崩騰胡塵起衣冠陷鋒鏑戎

虜盈朝市石勒窺神州劉曜役天子

齊賢曰晉懷帝永嘉四年六月

劉元海死聰弑兄和而自立授石勒汲冢周公五年
劉粲率騎三萬會劉曜王彌寇洛陽陷之帝出華林
園門曜等追及遂焚宮廟辱妃后百官士庶死者三
萬餘人勒歸功於彌曜遂出屯許昌帝蒙塵於平陽
士贇曰謝靈運詩崩騰永嘉末逼迫太元始河外無
反止江左又賊起晉書劉聰載記論曰昔幽后不綱
胡塵暗於戲水襄王失御戎馬生於關洛孟子曰如
以朝衣朝冠坐於塗炭齊宣德皇后令口衣冠泯絕
禮樂罰喪南史梁武帝紀論曰衣冠斃鋒鏑之下老
幼粉皮馬之足晉書樂廣傳論曰大羊之侶鋒鏑如
雲晉書慕容恪載記曰鋒鏑未交白溝淪境衝輞暫
振紫陌成墟晉書石勒載記論曰朝市淪胥若流
於鯨浪王公顛仆譬游魂於龍漠又慕容垂載記曰
市朝屢改艱虞靡息晉孝武紀論曰神州赤縣翻
被髮之鄉馮跋載記論曰自五胡縱憑九域淪胥帝
里神州遂混之爲荒裔鳴名竇位咸假之於雞雉呂
纂載記論曰竊號神州劉聰載記論曰今胡寇不仁
有同豺豕役天子以行觴驅乘輿而執蓋劉聰竟得

壽終非不幸也撫劍夜吟嘯雄心日千里誓欲斬鯨鯢澄清

洛陽水

齊賢曰左傳子朱怒撫劍從之又楚子曰古者明王伐不敬取鯨鯢而封之以爲大戮杜

預注鯨鯢大魚名喻不義之人吞食小國王贊曰後漢臧宮傳臧宮馬武之徒撫鳴劍而抵掌志馳於伊吾之比矣晉謝安傳吟嘯自若阮瑀與孫權書曰大丈夫雄心能無發憤者也史荆軻傳田光曰臣聞騏驎壯盛之時一日而馳千里魏武帝樂歌老驥伏櫪志在千里烈士暮年壯心不已袁崧漢書王允郭林宗見而奇之曰王生一日千里王佐才也晉明帝紀論曰去哀經而踐戎場斬鯨鯢而拜陵關後漢范滂傳滂爲詔使登車攬轡慨然有澄清天下之志六合灑霖雨萬物無彫枯我

俸一杯水白笑何區區

齊賢曰說命曰用女作霖雨王贊曰左思詩咄嗟復彫枯

孟子猶以一杯水救一車薪之火也李陵書曰區區之心竊慕此耳漢書禮樂志曰河間區區小國藩臣

入楚元王傳豈為區區之禮哉師古曰區區因人耻
小貌嵇康書曰雖有區區之誠亦已疏矣

成事貴欲決良圖滅虜不言功飄然陟蓬壺惟有安

期曷留之滄海隅齊賢曰史毛遂曰公等碌碌所謂
因人成事者也左太冲詩夢想騁

良人拘朴子安期留曷事見二卷尚書丕留海隅王
贊曰魏志周訪為成興將性謙虛未嘗論功伐或問

訪曰人有小善鮮不自稱卿功動如此無一
言何也訪曰朝廷威靈將士用命向功之有

聞謝楊兒吟猛虎詞因此有贈

同州隔秋浦聞吟猛虎詞晨朝來借問知是謝楊兒

齊賢曰樂府猛虎行古詞曰饑不從猛虎食暮不從
野雀棲野雀安無巢遊子為誰驕陸士衡亦有猛虎

行見三卷註郭璞詩云借
問此誰何云是鬼谷子

宿清溪主人

夜到清溪宿主人碧巖裏簷楹掛星斗枕席響風水

月落西山時啾啾夜猿起

齊賢曰九域志池州治貴池縣有清溪鎮王贊曰楚

辭云猿啾啾

兮枕夜鳴

擊尋陽上崔相渙三首

邯鄲四十萬同日陷長平能迴造化筆或冀一人生

齊賢曰趙孝成王七年秦與趙兵相距長平秦爲反間趙王使趙括代廉頗秦乃陰使白起爲上將軍射殺趙括四十萬人降起起挾詐盡坑殺之遺其小者二百四十人歸趙

毛遂不墮井曾參寧殺人虛言誤公子投杼惑慈親

白璧雙明月方知一玉真

齊賢曰史記秦圍趙邯鄲趙使平原君求救於楚約

食客文武備者二十人偕得十九人毛遂前贊願備員遂定從而歸其茂曰曾參處費魯人有與曾參同姓名者殺人人人告其母曰曾參殺人其母織自若也頃之一人又告之曰曾參殺人其母尚織自若也頃又一人告之曰曾參殺人其母投杼下機踰牆而走士贊曰按此一首詩乃是全櫟括葛洪西京雜記段之語今錄于下曰漢杜陵秋胡者能通尚書善爲古隸字爲翟公所禮欲以兄女妻之或曰秋胡已經娶而失禮妻遂溺死不可妻也馳象曰今之秋胡非昔之秋胡也昔魯有兩曾參趙有兩毛遂南曾參殺人見捕人以告北曾參毋毋見以疑野人毛遂墮井而死客人告平原君平原君曰嗟乎天喪予矣旣而知野人毛遂非平原君客也豈得以昔之秋胡失禮而絕婚今之秋胡哉物固亦有似之而非者玉之未

理者為璞死鼠未屠者亦為璞月旦之為朔車之旒
亦謂之朔名齊實異所宜辨也太白引此事者亦自
况其遭誣耳漢鄒陽傳曰明月之珠
夜光之璧史虞卿立談白璧一雙

其三

此一首恐非上崔相
亦恐非太白之作

虛傳一片雨枉作陽臺神縱為夢裏相隨去不是襄

王傾國人

齊賢曰襄陽耆舊傳赤帝之女瑤姬未行
而卒葬於巫山之陽曰巫山之女又楚襄

王神女事見二卷漢李延年
曰一笑傾人城再笑傾人國

巴陵贈賈舍人

賈生西望憶京華湘浦南遷莫怨嗟聖主恩深漢文

帝憐君不遣到長沙

齊賢曰郭璞詩京華豪俠窟賈
前今長沙有賈誼井尚

有田實正卷末以別之以俟具眼者

分類補註李太白詩卷之十一



